



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-125/13
Sarajevo, 28.2.2013. godine

01/2-50-1
by

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04.03.2013			
Organizacioni jedinica	Klasifikaciona oznaka	Redni broj	Broj priloga
01-50-1-15		40/10	
01-50-15-34		13	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 40. sjednici održanoj 28.2.2013. godine, utvrdilo je Odgovor na zastupničko pitanje koje je postavio Senad Šepić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-125/13

Sarajevo, 28.2.2013. godine

Senad Šepić, poslanik u Predstavničkom domu Parlamentarne skupštine Bosne i Hercegovine, na 40. sjednici Predstavničkog doma održanoj 03.01.2013. godine podnio je sljedeću poslaničku inicijativu:

„Predlažem da Vijeće ministara BiH usvoji i dostavi PS BiH Akcioni plan, sa jasnim obavezama, odgovornim institucijama i rokovima za ispunjavanje uvjeta za podnošenje aplikacije za otpočinjanje pregovora za prijem u EU.“

Na poslaničku inicijativu, Vijeće ministara Bosne i Hercegovine je na 40. sjednici održanoj 28. 2. 2013. godine, utvrdilo sljedeći

ODGOVOR

U Briselu je prema pozivu Štefana Filea, komesara za proširenje i evropsku susjedsku politiku, 27. juna 2012. godine održan „Dijalog na visokom nivou o procesu pristupanja sa Bosnom i Hercegovinom“, kojem su prisustvovali predstavnici izvršne vlasti i vodećih političkih stranaka u BiH. Cilj ovog sastanka bio je da se BiH pomogne u napredovanju u procesu pridruživanja EU kroz objašnjavanje uslova i metodologije pregovora o pristupanju, kao i iznošenje konkretnih očekivanja koje BiH treba da zadovolji u procesu pridruživanja EU. Učesnici sastanka usaglasili su *Mapu puta za zahtjev za članstvo BiH u EU* (u prilogu odgovora Vam dostavljamo Zajedničke zaključke sa sastanka održanog u Briselu i *Mapu puta*), koja bi, ukoliko se blagovremeno i uspješno provede, mogla omogućiti da BiH podnese vjerodostojan zahtjev za članstvo u EU.

Vijeće ministara BiH je na svojoj 15. sjednici održanoj 26.07.2012. godine raspravljalo o obavezama BiH u procesu integriranja u EU u 2012. godini i zadužilo institucije BiH da preduzmu sve neophodne aktivnosti kako bi *Mapa puta za zahtjev za članstvo BiH u EU* bila blagovremeno provedena. Vijeće ministara BiH pozvalo je nosioce najodgovornijih državnih i političkih funkcija u BiH, kao i najodgovornije zvaničnike na nižim nivoima vlasti (entiteti, kantoni) da preduzmu sve kako bi se ispunile definirane obaveze u procesu integriranja u EU. Od aktivnosti predviđenih u *Mapi puta* do sada su realizirane sljedeće:

- Tehnički sastanak između predstavnika Evropske komisije i predstavnika izvršne vlasti u BiH održan je u Sarajevu 12.09.2012. godine.
- Lokalni izbori u BiH su održani 07.10.2012. godine i njihovo provođenje ocijenjeno je fer i demokratskim.
- Godišnji izvještaj Evropske komisije o napretku BiH je objavljen 10.10.2012. godine, a Vijeće ministara BiH je na 23. sjednici održanoj 16.10.2012. godine razmatralo informaciju o „Paketu proširenja“ i usvojilo nalaze i preporuke sadržane u Izvještaju,

te zadužilo ministarstva i druga tijela uprave da u svoje planove rada za 2013. godinu unesu aktivnosti kojima će se prevazići nedostaci navedeni u Izvještaju.

- Direkcija za evropske integracije je u saradnji sa nadležnim institucijama za poglavlje 5 – Agencija za javne nabavke i poglavlje 27 – Ministarstvo vanjske trgovine i ekonomskih odnosa, a na osnovu priloga koje su dostavile nadležne institucije sa svih nivoa vlasti, pripremila finalne verzije odgovora na dvije liste sektorskih pitanja Evropske komisije. Odgovori su usvojeni na 25. sjednici sjednici Vijeća ministara BiH održanoj 29. oktobra 2012. godine i u predviđenom roku dostavljeni Evropskoj komisiji.
- Vijeće ministara BiH je na 23. sjednici održanoj 16.10.2012. godine donijelo Odluku o imenovanju Tima za izradu dokumenta Koordinacijskog mehanizma u procesu evropskih integracija. Do kraja 2012. godine održana su tri sastanka ovog Tima na kojima su analizirani nedostaci postojećeg sistema koordinacije i usaglašeni principi na kojima će se zasnivati budući mehanizam koordinacije o pitanjima evropskih integracija, a to su:
 - 1) uvažavanje ustavnih nadležnosti i zakonskih rješenja;
 - 2) uvažavanje obaveza koje proističu iz procesa evropskih integracija;
 - 3) identifikacija postojećih elemenata sistema koordinacije procesa evropskih integracija, analize slabosti, te potrebe nadogradnje i poboljšanja;
 - 4) funkcionalnost i inkluzivnost svih nivoa vlasti;
 - 5) uvažavanje potreba tehničke i političke koordinacije;
 - 6) izrada i uspostavljanje mehanizma koordinacije će predstavljati rezultat rada domaćih institucija;
 - 7) predloženi mehanizam koordinacije će se nadograđivati prema potrebama i zahtjevima procesa evropskih integracija.
- U Sarajevu je 27.11.2012. godine održan drugi sastanak u okviru „Dijaloga na visokom nivou o procesu pristupanja sa Bosnom i Hercegovinom“. Predstavници Evropske komisije su pohvalili obiman tehnički posao koje su vlasti na svim nivoima obavile kako bi pripremili odgovore na dugačku listu pitanja o okolišu i javnim nabavkama. Na ovom sastanku je potvrđeno da je *Mapa puta za zahtjev za članstvo BiH u EU*, koja je utvrđena na prvom sastanku u Briselu, i dalje važeća.

U skladu s tim, provođenje presude u predmetu Sejdić/Finci i uspostavljanje efikasnog mehanizma koordinacije između svih nivoa vlasti po pitanjima evropskih integracija ostaju ključni za podnošenje kredibilne aplikacije za članstvo u EU.

Nakon što Bosna i Hercegovina bude u mogućnosti da podnese kredibilan zahtjev za članstvo u Evropskoj uniji, Vijeće EU bi zadužilo Evropsku komisiju da pripremi mišljenje (avis) o zahtjevu za članstvo. Da bi pripremila ovo mišljenje, Evropska komisija će Bosni i Hercegovini uputiti upitnik od nekoliko hiljada pitanja. Na temelju odgovora na ova pitanja Komisija bi pripremila mišljenje (avis) o zahtjevu za članstvo. Sljedeći korak bi podrazumijevao odluku Evropskog vijeća o dodjeljivanju statusa kandidata za članstvo u EU. Odluku o početku pristupnih pregovora također donosi Evropsko vijeće.¹

¹ Od podnošenja zahtjeva za članstvo u EU do početka pristupnih pregovora sa EU u slučaju Republike Hrvatske prošlo je 2 godine i skoro 8 mjeseci, a u slučaju Crne Gore oko 3,5 godine.

- o potrebi da se preuzimanje zakonske regulative EU vrši na ujednačen i koordiniran način na cijeloj teritoriji Bosne i Hercegovine, a u skladu s relevantnim ustavnim nadležnostima, kao što je predviđeno relevantnim zakonima EU;
- da će osigurati da stavovi koji se iznose institucijama EU odražavaju dogovor sa svim nadležnim institucijama i organima vlasti u Bosni i Hercegovini, kao rezultat djelotvorne koordinacije. Iz tog razloga je neophodno uspostaviti funkcionalan mehanizam koordinacije;
- kao nastavak današnjeg dijaloga na visokom nivou o procesu pristupanja, Savjet ministara Bosne i Hercegovine i Vlade Federacije Bosne i Hercegovine, sa kantonima, Republike Srpske i Brčko Distrikta Bosne i Hercegovine trebalo bi da se angažuju na dijalogu kako bi se dogovorili o uspostavljanju djelotvornog mehanizma koordinacije rada na pitanjima EU, što će Bosni i Hercegovini omogućiti da usuglasi stavove o evropskim pitanjima te tako govori jednim glasom i do 31. oktobra 2012. godine predoči prijedlog Mehanizma koordinacije rada na pitanjima EU;
- da unaprijede i ojačaju efikasno funkcionisanje uprave na svim nivoima vlasti kako bi Bosna i Hercegovina mogla da usvaja, primjenjuje i izvršava zakone i propise EU;
- da obezbijede da Bosna i Hercegovina dobro iskoordinira i odgovori, najkasnije od 31. oktobra 2012. na listu pitanja o izabranim poglavljima, o kojima je bilo riječi na današnjem sastanku, kao ilustraciju neophodnih uslova za pripremu procesa pristupanja EU – javne nabavke (Poglavlje 5) i Životna sredina (Poglavlje 27).

Neophodan je napredak u radu na ovim pitanjima prije nego što Bosna i Hercegovina može očekivati napredovanje u pravcu pregovora o pridruživanju EU. Evropska komisija je spremna da podrži evropsku perspektivu Bosne i Hercegovine kroz stručnu i finansijsku pomoć. Drugi sastanak kao nastavak današnjeg dijaloga na visokom nivou održaće se u novembru u Sarajevu.

MAPA PUTA

ZA ZAHTJEV ZA ČLANSTVO BOSNE I HERCEGOVINE U EU

Do 31. avgusta	Prijedlog Parlamentarnoj skupštini za izmjenu Ustava Bosne i Hercegovine (BiH) kako bi bio usklađen sa sudskom odlukom u predmetu Sejdić/Finci. Ovo je najvažniji element koji nedostaje da bi Savjet donio Odluku o stupanju na snagu Sporazuma o stabilizaciji i pridruživanju (SSP).
Prva polovina septembra	Tehnički sastanak Evropske komisije u BiH na visokom nivou i srednjoročni pregled provođenja Mape puta u cilju pripreme drugog sastanka dijaloga na visokom nivou o procesu pridruživanja
7. oktobar	Lokalni izbori u Bosni i Hercegovini
10. oktobar	Usvajanje Godišnjeg izvještaja o napretku BiH koji priprema Evropska komisija.
Do 31. oktobra	Odgovor Bosne i Hercegovine na 2 liste sektorskih pitanja koje su uručene 27. juna (poglavlja 5 i 27). Definisanje efikasnog mehanizma koordinacije o pitanjima EU.
Novembar	Drugi sastanak dijaloga na visokom nivou o procesu pridruživanja u Sarajevu
Do 30. novembra	Izvršena izmjena Ustava na način da je usklađen sa sudskom odlukom u predmetu Sejdić/Finci. Pod uslovom da SSP stupa na snagu: Podnošenje vjerodostojnog zahtjeva za članstvo u EU.

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-125-2/13
Sarajevo, 5. 4. 2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

05.04.2013

POSREDOVAČ	POSREDOVANJE	POSREDOVANJE	POSREDOVANJE
01-50-1-15-40/12			
Vešta: 01-50-18-35/13			

PARLAMENTARNA SKUPŠTINA BIH

- Zastupnički dom -

SARAJEVO

PREDMET: Odgovor na zastupničku inicijativu, dostavlja se.-

Vijeće ministara Bosne i Hercegovine je na 44. sjednici održanoj 3. 4. 2013. godine utvrdilo Odgovor na zastupničku inicijativu koju je uputio Senad Šepić zastupnik u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegova dostavljanja zastupniku.

S poštovanjem,

GENERALNI TAJNIK
Zvonimir Kutleša





**БОСНА И ХЕРЦЕГОВИНА
САВЈЕТ МИНИСТАРА**

Број: 05-50-1-125-2/13
Сарајево, 3. 4. 2013. године

Сенад Шепић, посланик у Представничком дому Парламентарне скупштине Босне и Херцеговине, на 40. сједници Представничког дома одржаној 3. јануара 2013. године, поднио је следећу посланичку иницијативу:

„Предлажем да Савјет министара БиХ, у сарадњи са ентитетским, кантоналним и Владом Брчко Дистрикта БиХ припреми Акциони план за ублажавање посљедица и управљање економском и социјалном ситуацијом у БиХ у 2013. години.“

На посланичку иницијативу, Савјет министара Босне и Херцеговине, је на 44. сједници одржаној 3. 4. 2013. године, утврдио следећи

О Д Г О В О Р

Министарство спољне трговине и економских односа Босне и Херцеговине је размотрило иницијативу посланика Сенада Шепића која се односи на припрему Акционог плана за ублажавање посљедица и управљање економском и социјалном ситуацијом у Босни и Херцеговини у 2013. години.

Предуслов за доношење предметног Акционог плана је сагласност свих надлежних институција да у реализацији ових активности учествују. Уколико до ове сагласности дође, Савјет министара БиХ би имао само координациону улогу.

Савјет министара БиХ, у свом Програму рада за 2013. годину није предвидио активности које се односе на припрему предметног Акционог плана, јер су активности на које би се он односио у надлежности ентитета.